



## KOMUNIKADO PA PRENSA

*Fecha*                      *Account Manager*                      *Email*                      *Nr.*  
**23 ougustus 2013**                      **Jhanirha Anita**                      **[jhanirha.anita@gobiernu.cw](mailto:jhanirha.anita@gobiernu.cw)**

### **REMPLASO DI KONSTRUKSHON DI PORTAL RIBA SCHOTTEGATWEG OOST NA ALTURA DI BIESHEUVEL**

**Willemstad** - Minister di Tráfiko, Transporte i Planifikashon Urbano Señor Earl Balborda i Servisio pa Obra Públiko, huntu ku Departamentu Tékniko di Polis di Tráfiko, ta anunsiá ku djadumingu próksimo, 25 di ougùstùs, ta bai pone e konstrukshon di portal of e asina yama ‘portaal constructie’ na banda di kaya despues di e krusada di Bieshuevel (na altura di XEROX).

Un ‘portaal constructie’ ta e struktura di heru riba kual ta pone un bòrchi di indikashon di ruta di tráfiko. Servisio pa Obra Públiko a pone vários di e bòrchinan nobo aki kaba den e último simannan ku a pasa, esta esnan blou ku lèter blanku.

Lo bai kita e ‘portaal constructie’ eksistente i lo remplas’é ku e ‘portaal constructie’ nobo. E trabounan lo dura henter djadumingu i pa e motibu aki ta desviá tráfiko ku ta bini for di riba Schottegatweg Oost, for di rotonde Juancho Evertsz na Zuikertuintje. E konstrukshon lo tuma lugá djadumingu próksimo i bòrchinan ku indikashon di ruta lo wòrdu kologá despues di 2 siman. Na momentu ku e trabounan ta tumando luga tin indikashonnan ku ta mustra e desviashon di trafiko nesario.

Servisio pa Obra Públiko, Departamentu Tékniko di Polis di Tráfiko i kontratistanan ta pidi tur outomobilista pa tene debido kuenta ku e kambionan i kore ku koutela. Tambe ta gradisí tur usuario pa nan kompreshon i koperashon.

Pueblo di Kòrsou por sigui tur último desaroyonan di Minister Balborda di Tráfiko, Transporte i Planifikashon Urbano via di su página di Facebook ‘Earl W. Balborda, Minister VVRP’.